

Das.LXXXV.blaf

Item wer der vorgeschriben stücke eines oder me überfüre/ da wider tsete/ oder dorzū hülfte das do wider gethan würde/ od der die selben die do wid tseten mit willen wissen oder geuerde hufere hofere hielt oder in zūschub tet der oder die sollen wider ere vnd rechte gethan haben. auch in vnser vnd des rychs schwere vngnad/ vnd dorzū ein penn/ nemlich hundert marck löri/ ges goldes/ halb in vnser vnd des rychs kamer/ vnnnd halb dem cleger oder beschedigten onschlich vnd on gnade/ zū bezalen verfallen sin sol. Welich auch die weren die solich penn an gold oder gelt mit zū bezalen hetten / dye sollen ir missetatt an irem lyb erarnern. Vnd sol zū in nach des rychs gerichtten gericht werden. Es sollen auch die zünerlehen hetten alle ire lehen vnd fryheit. so sy von vns vnd dem rych oder ander geistlichen herschafften od personē/hetten/ zū sampt d obgenadten pen gantz/ als ob solichs mit rechte erfolgt were/ verlorh haben. Vnd sollen auch der oder die solichs tsete/ oder die sy geuerlichen huferten yn zūlegten/ od sy hinschüben/ keinerley trostung frid oder gheit haben an keinen stetten oder enden. Sunder es sol vñ mag mengelich zū dem oder den selben machthaben/ glycher wyse / vnd in aller der maß als ob sy mit des rychs hofgericht/ oder andern zymlichen gerichtē geheischen/ vnd mit rechter vrtail verrechtet/ vnd in die ocht vnd aberochterk on worden weren. Vnd dorzū so sol der sell lyb vñ güit nyemant verantwurten noch beschirmen in keinen weg. Vnd in welchen gerichtten sy begriffen werden so sol man sy on allen intrag behalten vnd über sy richten. Alles by der penn. vnd wie vorgeschriben stet. Doch behalten wir vns als einem römischen künig. Ob yezunt in diser vnser ordnung hinfür züuer/ andern. zū merern. oder zū myndern. dorzū dorvon zefezzen. oder dye gantz oder ein teil abtzehtün. sich gebären wurde. nach gelegenheit der zyt. vnd d sacht. Das wir das als wol billich ist. mit rat vnser vnd des rychs getrüwen zethün haben vnd thün mügen. Alle argelift vnd geuerde in allen vnd yeglichen vorgeschriben puncten vnd articeln genzlich vsgeschlossen vnnnd hindan gesezt. Geben zū frantzfort. Vnd versigelt mit vnser kün. gen maiestat insigel. Nach christus geburt vierzehnhundert vnnnd dornoch in dem zwey vnd fierzigesten iore. An vnser lieben frowen obent assumptois vnser rychs ym tritten iore. Dis vidimus vñ abschrift ist geben vnd versigelt vnder des santgerichts des burgrauenthüms zū nürnberg. anhangenden insigel. Am eritag vor Sant orthmars tag Des heilige aprs. nach christus geburt vierzehnhundert vnd in dem sibenvnd fünfzigsten ioren

Volender nach der geburt christi vnser herrn als
man zalte. dñsent. vyerhundert. achtzick vnd sechs ior.